

QVÆSTIO MEDICA

QVODLIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XIX. IANVARII,
M. PETRO HOMMETZ Doctore Medico, Præside.

An quartana, & Arthritis Medicorum opprobrium?

876

SAPIENS Medicus, sicut ex symptomatis morbos omnes dignoscit, ita ex morbis eorum causas, necessitate quadam naturali feliciter rimatur. Ille exploratâ affectus cuiusque naturâ, vel sedulam, semperque salutarem ægris nauat operam, aut morbi inexpugnabilis vehementiam & difficultatem causatus, si ægrum non deserit, quod vix est Medici, saltem famæ suæ, quod prudentis est, consultat sapienter. Morbi diuturni semper difficiles, quorum alios humores crassi generant, qui altiori in corpore conclusi, lenta putredinis cœcis ignibus vilcera alterando, labem iis iniungunt, tempore & opere plurimo vix eluendam: alios antiquum & indelebile partis alicuius vitium fouet, quos omni facit Medicina maiores: neque enim morbos omnes, vel statim vel semper, hæc vincere, aut persanare nouit. Hinc tristitia quartanæ & Arthritidis nomina, toties, sed immerito Medicorum opprobrio, deplorata: quos affectus tanquam infames artis scopulos, iniquum vulgus obijcit, in quibus curandis, vel Medici ^{interdum} cœcutiant: Sed quàm frustra, aut ægrorum peruicaciam, aut naturæ infirmitatem, in diuinæ artis scandalum reuocat. Sunt illi morbi verè in Medicorum dedecus nati, quorum causas cum nesciant, eos tamen curandos suscipiunt inconsultiis, atque adeo tentatâ nequiquam Medicinâ, merita referunt culpæ opprobria.

QUARTANA quia mitiora nonnumquam habet principia, ægris suam in perniciem cunctantibus vires sumit, circuitus multiplicat, & serpente in vasa maiora putredine, in continuam, raram quidem, sed fere inexpugnabilem degenerat. Arthritis quoque male dilata, à mora hoc contrahit, vt intimis defixa articulis, aut curationem vix ferat, aut sæpius acerbior recrudescat: hinc illæ lacrymæ, neque enim vim morbi insuperabili dolore excruciantis, & febris æstum amplius ferre possunt, malorum diuturnitate fracti ægri. Ad circulatorios confugiunt, vt febrem euomant, carpis pedisue pisces, herbas omnis generis alligant: pulueres tartareos ingerunt, secreta quærunt, quæ in arte nulla, & demum neglecta natura, expiatoribus quibusdam, qui lustrationibus, incantamentis, & amuletis credulis imponunt, sese misere, & frustra deuouent: Arthritici vero non dissimili studio & pari euentu, nihil intentatum relinquunt, foris calidis, cataplasmatibus tenuem feri partem exforbent, quâ vna cum innato articulis muco absumptâ, detoris tandem, & in tophum induratis digitis, eò res redit, vt accessitam proprio errore infirmitatem, immerentibus Medicis impudent, quos si audiuisent, dum adhuc tractabilis morbus medicas manus non respuebat, præsentem pro conuiitiis Medicinæ opem faterentur.

QUARTANÆ & Arthritidis causas omnes Medicus nouit. Huius antecedens causa, nobilioris partis intemperies vna cum articulorum imbecillitate. Coniuncta non continens, quæ his in morbis nulla, humor omnis, qui in articulos decumbens, eorum spatia primum occupat, mox tendines, vincula, membranas, neruos, quos licet non conuellat, acerrimis tamen doloribus torquet. Eius differentia, à loco & materia petendâ sunt: Quartana vero in omni humore Melancholico posito fomite, inde alterna mouet incendia, quæ cum difficillimè extinguat, propter contumacissimæ materiæ fermentique reliquias, iterum mutuas habent, morbus & sanitas vices. Hos porro morbos non efficit vnum caput aut lien. Altioris originem habet pertinax vtrumque malum, & ab ipso iecore potissimum accendendam: quod viscus sanguinis ^{aut vtriusque} vnicus author, dum æger intemperantiæ cedit illecebris, pro meliori sanguine serosam & acrem reponit eluuiem, quæ cum articulos subiit, naturâ, aut furtim ac blandâ venenis fraude imbecilliores factos, Arthritidem ex munio Bacchi Venerisque connexu suscipit, cuius vtriusque fecunda cum sit soboles, rursus fit & parens: homines enim intemperantes facit, & quod mirum forsân tibi erit longæuos. Sin hepar labefacta sua temperie malâque diætâ, sæculentum & exustum sanguinem generet, conceptâ putredine quartana accenditur: cum præsertim nobilissima hæc pars, propter ætatis consenscentis frigiditatem declinat. Licet quippe nulli fere ætati, sexui, temperici, tempestati, regioni, parcant: omnium tamen maxime consistentem ætatem, virilem sexum, frigidiotem temperiem, vernam vel Autumnalem tempestatem, Alexandriam vel Germaniam moleste habent quartana & Arthritis.

NIHIL magis est in quartanæ periodicis, aut tempestiuis Arthriticorum doloribus, quod Medicos lateat, quam in aliis. Plenissimi periculi morbi non raro vi caloris natiui in securiores mutantur. Epilepsia, continuæ febri, ac erraticis, vt sæpe quartana, sic & Arthritis, colicis, dysentericis, nephriticis affectibus feliciter sufficitur. Quid ni & aliis: hinc si non primario quod vix potest & non suaserim saltem vbi moras nectit, nec, quæ tempestate solet exacerbatur, excitanda. Horum porro morborum curam cum suscipis, consulendus is est nature focus seu vestalis hæc flammâ, item & horum vires attendendæ, ex quibus tota remediorum est dispensanda ratio, quæ nunquam Arthritidi, vbi curanda venit, defuerunt: nam herbas habet suas, olea, succos, lacrymas, ferrum, ignem: sed vno verbo, eius curandæ scopus duplex, euacuatio & articulorum confirmatio. Vtrumque variis modis ex natura partis obfesse, materiæ morbificæ, & occasione immutandis absoluiumus: sic in quartana non iisdem perpetuo auxilijs, imò nec raro diuersis dimicandum, aut fallendum est: in ijs tamen ante omnia tanquam deabus implacabilibus sanguine non semel litare, & blandiori, sed sæpius repetito cathartico, etiam inclinantibus nondumque solutis febribus paroxysmis, libare tutum est.

MORBOS insanabiles sola efficeret naturæ deficientis imbecillitas, nisi ægri suam in vitam ipsi conspirarent: quot enim sunt, qui inclinato iam morbo, intempestiuo esu, vel omiſſa purgatione & phlebotomia, in malum reuoluuntur? eadem intemperantia, quæ quartanam genuit, sæpe fouet & alit. Sic se res habet, aut ægri nolunt, aut natura non patitur, aut hi morbi conueniente diætâ, sedulâque præcautione ac ^{uigilijs} proſigantur. Ad hæc quid vulgus? quartana quædam insanabilis, quædam & Arthritis, est. Sic quouis in morborum genere quidam trucidant: non timet æger à tertiana, superiore tamen anno duos aut tres sustulit, phthis inueterata est ^{diutius}, lithiasis, si grandiori calculo renes occupet, nullo remedio soluitur, phthora in propria viscerum substantia non curatur. An ideo hæc sunt Medicorum opprobria? Non dixeris. Ecce confossus homo est & conceptam in præcordijs mortem gerit, sapiensne artifex ad illius vulnus manus illidat? Non faciet. Non adeo magis nodose Chiragra, aut in senectute, aut intemperatis Arthritidis curam spondeat: tunc enim nec profuerit dira stupendæ Antiphilonis ^{legentia}, quæ alioquin omnino non spernenda foret: aut quartanam verè fatumi filiam, obſtimata putredine, fastidientibus visceribus breui aut perfectè depulſurum polliceatur: nam fuit illa semper Medicinæ præcipua laus, vt tam prudenter desperatos sponte deponat, quam sapienter curabiles morbos aggrediatur.

Non ergo quartana, & Arthritis Medicorum opprobrium?

Proponebat Lutetiæ TVSSANVS FONTAINE Parisinus. A. R. S. H. M. DC. XL.

DOMINI DOCTORES DISPUTAVRI.

M. Robertus Debonnaire.
M. Marinus Akakia, Professor Regius.
M. Durandus Franciscus Yon.

M. Léo le Tourneurs.
M. Nicolaus Cappon.
M. Nicolaus Richard.

M. Guillelmus de Vailly.
M. Claudius Geruais.
M. Franciscus Guenault, Scholarum Professor.

